



1781/24

06/3

London

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj 5/08), člana 51. stav (6) i člana 66. stav (1) Zakona o turizmu („Službeni glasnik Unsko-sanskog kantona“, broj 25/20), Mišljenja Turističkog vijeća broj: 06/2-45-225-4/2024 od 15.11.2024. godine, na prijedlog Ministarstva privrede, Vlada Unsko-sanskog kantona na 80. sjednici, održanoj dana 2.12.2024. godine, d o n o s i

ODLUKU

o visini boravišne takse i visini godišnjeg paušalnog iznosa boravišne takse
na području Unsko-sanskog kantona za 2025. godinu

Član 1.

(Predmet)

Ovom Odlukom utvrđuje se visina boravišne takse i visina godišnjeg paušalnog iznosa boravišne takse na području Unsko-sanskog kantona za 2025. godinu, oslobađanje od obaveze plaćanja boravišne takse, obveznik uplate boravišne takse i paušalnog iznosa boravišne takse, način uplate boravišne takse, način uplate godišnjeg paušalnog iznosa boravišne takse i rokovi uplate boravišne takse.

Član 2.

(Visina boravišne takse i visina godišnjeg paušalnog iznosa boravišne takse)

(1) Boravišna taksa za 2025. godinu iznosi 2,00 KM.

(2) Lica koja pružaju ugostiteljske usluge smještaja u domaćinstvu (lica u domaćinstvu) plaćaju godišnji paušalni iznos boravišne takse za svaki krevet i smještajnu jedinicu u iznosu od 50,00 KM za svaki krevet i smještajnu jedinicu koji se koriste za pružanje usluga smještaja.

Član 3.

(Oslobađanje od obaveze plaćanja boravišne takse)

(1) Boravišnu taksu ne plaćaju:

- a) djeca do 12 godina starosti,
- b) lica sa utvrđenim stepenom invalidnosti,
- c) lica upućena na banjska i klimatska liječenja, odnosno specijaliziranu rehabilitaciju od nadležne ljekarske komisije,
- d) lica koja obavljaju sezonske poslove sa prijavljenim boravkom u turističkom mjestu,
- e) strani državljani koji su po međunarodnim konvencijama i sporazumima oslobođeni plaćanja taksi,
- f) strani državljani koji organizirano, preko zvaničnih humanitarnih organizacija, dolaze radi pružanja humanitarne pomoći.

- (2) Lica iz stava (1) ovog člana ne plaćaju boravišnu taksu ako podnesu dokaz o ispunjavanju uslova utvrđenih u ovom stavu (članska karta, potvrda škole, ljekara, ljekarska uputnica i dr.)
- (3) Boravišnu taksu umanjenu za 50% plaćaju lica od navršenih 12 do 18 godina starosti.

Član 4.

(Obveznik uplate boravišne takse i godišnjeg paušalnog iznosa boravišne takse)

Obveznik uplate boravišne takse i godišnjeg paušalnog iznosa boravišne takse je:

- a) pravno ili fizičko lice koje pruža uslugu noćenja u smještajnom objektu u kojem se obavlja ugostiteljska djelatnost,
- b) lice u domaćinstvu koje pruža uslugu smještaja u domaćinstvu i seoskom domaćinstvu.

Član 5.

(Način uplate boravišne takse i godišnjeg paušalnog iznosa boravišne takse)

- (1) Pravna i fizička lica obavezna su boravišnu taksu uplatiti na račun iz stava (3) ovog člana svakog 1. i 15. u mjesecu za sva noćenja ostvarena u tom razdoblju s rokom dospijeca od sedam dana.
- (2) Lica koja pružaju ugostiteljske usluge smještaja u domaćinstvu koja plaćaju paušalni iznos boravišne takse, obavezna su paušalni iznos boravišne takse uplatiti:
 - a) najkasnije do 15. maja tekuće godine ili
 - b) u tri jednake rate, s tim da prva rata dospijeva 31. maja, druga 31. augusta i treća 30. septembra tekuće godine.
- (3) Obveznici uplate boravišne takse i godišnjeg paušalnog iznosa boravišne takse naplaćenu boravišnu taksu i godišnji paušalni iznos boravišne takse uplaćuju na UniCredit banka depozitni račun Budžeta Unsko-sanskog kantona broj: 3380002210005877, vrsta prihoda 722423, budžetska organizacija 1501001, trocifreni kod općine/grada iz koje dolazi obveznik uplate.
- (4) Pravna i fizička lica koja pružaju ugostiteljske usluge smještaja obavezni su boravišnu taksu uplatiti uplatnicom za plaćanje boravišne takse koju preuzimaju iz Jedinstvenog sistema za prijavu i odjavu gostiju.

Član 6.

(Stupanje na snagu)

Ova Odluka stupa na snagu danom donošenja, a primjena počinje od 1.1.2025. godine i objavit će se u „Službenom glasniku Unsko-sanskog kantona”.

Broj: 03-02-51-1662/2024

Bihać, 2.12.2024. godine

